

四庫全書薈要

• 乾隆御覽本

集部

白氏長慶集卷十五

唐白居易撰

律詩

五言七言自兩韻至一百韻凡九十九首

渭村退居寄禮部崔侍郎翰林錢舍人詩一百韻

聖代元和歲閒居渭水陽不才甘命舛多幸遇時康朝  
野分倫序賢愚定否臧重文疎卜式尚少棄馮唐由是

推天運從茲樂性場籠禽放高翥霧豹得深藏世慮休

相擾身謀且自強猶須務衣食未免事農桑

他計切又音雉

草通三徑開田占一坊畫扉肩白版夜碓掃黃梁隙地

治場園閒時糞土疆枳籬編刺夾薤

何戒切薤菜也

壟擘科秧

穡力嫌身病農心願歲穰

如羊切

朝衣典杯酒佩劔博牛

羊困倚栽松鋪饑提採蕨筐引泉來後澗移竹下前岡

生計雖勤苦家貧甚渺茫塵埃常滿甌錢帛少盈囊弟

病仍扶杖妻愁不出房傳衣念襁

盧監切

樓

兩舉切

舉案笑

糟糠犬吠村胥鬧，蟬鳴織婦忙。  
納租看縣帖，輸粟問軍倉。  
夕歇攀村樹，秋行遶野塘。  
雲容陰慘澹，月色冷悠揚。  
蕎麥鋪花白，棠梨間葉黃。  
早寒風撼撼，山責切新霽月

隕落貌

蒼蒼園菜迎霜死，庭蕪過雨荒。  
簷空愁宿鷺，壁闇思啼

蛩。  
眼為看書損，肱因運甕傷。  
病骸渾似木，老髻欲成霜。  
少睡知年長，端憂覺夜長。  
舊遊多廢忘，往事偶思量。  
忽憶煙霄路，常陪劔履行。  
登朝思檢束，入閣學趨跄。  
命偶風雲會，恩覃雨露霑。  
沾枯發枝葉，磨鈍起鋒鋟。  
崔閣連

鑣驚錢兄接翼翔齊竽混韶夏燕石厠琳琅同日升金

馬分宵直未央共詞加寵命合表謝恩光廢馬驕初跨

天厨味始嘗朝脯

奔模切

頒餅餌寒暑賜衣裳對秉鵝毛

筆俱含鷄舌香青縑衾薄絮朱裏幕高張晝食恒連案

宵眠每並牀差肩承詔旨連署進封章起草偏同視疑

文最共詳減私容點竄窮理析毫芒便共輸肝膽何曾

異肺腸慎徵參石奮決密學張湯禁閤青交瑣官垣紫

界牆井欄排莖莖簷瓦關鴛鴦樓額題鵝

音而切

鵲池心

浴鳳凰風枝萬年動溫樹四時芳宿露凝金掌晨暉上

壁璫砌筠塗綠粉庭果滴紅漿曉從朝興慶春陪宴柏

梁傳呼鞭索索拜舞珮鏘鏘仙仗環雙闕神兵闢兩廂

火翻紅尾旆冰卓白竿槍滉漾經魚藻深沉近浴堂分

庭皆命婦對面即儲皇貴主冠浮動親王轡開裝金鈿

相照耀朱紫間熒煌毬簇桃花綺歌巡竹葉觴窪鳥爪切

銀中貴帶昂黛內人粧賜契胡計切東城下頌毘連切曲

水傍樽疊分聖酒妓樂借仙倡淺酌看紅藥徐吟把綠

楊宴迴過御陌行歇入僧房白鹿原東郭青龍寺北廊

望春花景暖避暑竹風涼下直閒如社尋芳醉似狂有

時還後到無處不相將雞鶴初雖雜蕭蘭久乃彰來燕

隗貴重去魯孔恓惶聚散期難定飛沉勢不常五年同

晝夜一別似參

疏簪切

商屈折孤生竹銷摧百鍊鋼途窮

任憔悴道在肯徬徨尚念遺簪折仍憐病雀瘡卹寒分

賜帛救餒減餘糧藥物來盈裏書題寄滿箱殷勤翰林

主珍重禮闈郎煦沫誠多謝搏扶豈所望提攜勞氣力

吹簸不飛揚拙劣才何用龍鍾分自當粧嫫徒費黛磨

甌

丁歷切  
磚也

詎成璋習隱將時背千名與道妨外身宗老

氏齊物學蒙莊疎放遺千慮愚蒙守一方樂天無怨歎  
倚命不劬勲憤懣胸須豁交加臂莫攘珠沉猶是寶金  
躍未為祥泥尾休搥掉灰心罷激昂漸聞親道友因病  
事醫王息亂歸禪定存神入坐亡斷癡求慧劍濟苦得  
慈航不動為吾志無何是我鄉可憐身與世從此兩相  
忘



酬盧秘書二十韻

時初奉詔除  
贊善大夫

謬歷文場選，慙非翰苑才。雲霄高暫致，毛羽弱先摧。  
識分忘軒冕，知歸返草萊。杜陵書積蠹，豐獄劍生苔。  
晦厭鳴雞雨，春驚震蟄雷。舊恩收墜履，新律動寒灰。  
鳳詔容徐起，鴈行許重陪。衰顏雖拂拭，蹇步尚徘徊。  
睡少鐘偏警，行遲漏苦催。風霜趁朝去，雨雪拜陵迴。  
上感君猶念，傍慙友或推。石頑鐫費力，女醜嫁勞媒。  
倏忽青春度，奔波白石頽。性將時共背，病與老俱來。  
聞有蓬壺客，知懷

杞梓材世家標甲第官職滯麟臺筆盡鉛黃點詩成錦  
繡堆嘗思豁雲霧忽喜訪塵埃心為論文合眉因勸善  
開不勝珍重意滿袖寫瓊瓌

題盧秘書夏日新栽竹二十韻

湘竹初封植盧生此考槃久持霜節苦新託露根難等  
度須當砌疎稠要滿欄買憐分薄俸栽稱作閒官葉剪  
藍羅碎莖抽玉琯端幾聲清浙瀝一簇綠檀藥未夜青  
嵐入先秋白露團拂肩揺翡翠慰手弄琅玕韻透窓風

起陰鋪砌月殘炎天聞覺冷窄地見疑寬稍動勝搖扇

枝低好掛冠碧籠煙幕幕

莫狄切

珠灑雨珊珊晚籜

他各切

晴雲展陰芽蟄虺蟠愛從抽馬策惜未截魚竿松韻徒

煩聽桃夭不足觀梁慙當室杏臺陋本司蘭

古詩云盧家蘭室杏

為梁又秘書府即蘭臺也

撐撥詩人興勾牽酒客歡靜連蘆簟滑涼

拂葛衣單豈止消時暑應能保歲寒莫同凡草木一種

夏中看

渭村酬李二十見寄

百里音書何太遲暮秋把得暮春詩柳條綠日君相憶  
梨葉紅時我始知莫歎學官貧冷落猶勝村客病支離  
形容意緒還看取不似華陽觀裏時

初授贊善大夫早朝寄李二十助教

病身初謁青宮日衰貌新垂白髮年寂寞曹司非熱地  
蕭條風雪是寒天遠坊早起常侵鼓瘦馬行遲苦費鞭  
一種共君官職冷不如猶得日高眠

欲與元八卜隣先有是贈

平生心迹最相親，欲隱牆東不為身。  
明月好同三徑夜，綠楊宜作兩家春。  
每因暫出猶思伴，豈得安居不擇隣。  
何獨終身數相見，子孫長作隔牆人。

遊城南留元九李二十晚歸

老遊春飲莫相違，不獨花稀人亦稀。  
更勸殘盃看日影，猶應趁得鼓聲歸。

廣宣上人以應制詩見示，因以贈之，詔許上人

居安國寺紅樓院，以詩供奉。

道林談論惠休詩一到人天便作師香積筵承紫泥詔  
昭陽歌唱碧雲詞紅樓許住請銀鑰翠輦陪行蹋玉墀  
惆悵甘泉曾侍從與君前後不同時

重過祕書舊房因題長句

時為贊  
善大夫

閣前下馬思徘徊第二房門手自開昔為白面書郎去  
今作蒼頭贊善來吏人不識多新補松竹相親是舊栽  
應有題牆名姓在試將衫袖拂塵埃

重到城七絕句

見元九

容貌一日減一日心情十分無九分每逢陌路猶嗟嘆  
何況今朝是見君

高相宅

青苔故里懷恩地白髮新生抱病身涕淚雖多無哭處  
永寧門館屬他人

張十八

諫垣幾見遷遺補憲府頻聞轉殿監獨有詠詩張太祝

十年不改舊官衙

劉家花

劉家牆上花還發  
李十門前草又春  
處處傷心心始悟  
多情不及少情人

裴五

莫怪相逢無笑語  
感今思舊戰門前  
張家伯仲偏相似  
每見青楊一惘然

仇家酒



年年老去歡情少處處春來感事深時到仇家非愛酒  
醉時心勝醒時心

恒寂師

舊遊分散人零落如此傷心事幾條會遇禪師坐禪去  
一時滅盡定中消

靖安北街贈李二十

榆莢拋錢柳展眉兩人並馬語行遲還似往年安福寺  
共君私試却迴時

重傷小女子

學人言語凭牀行，嬾似花房脆似瓊。  
纔知恩愛迎三歲，未辨東西過一生。  
汝異下殤應殺禮，吾非上聖詎忘情。  
傷心自歎鳩巢拙，長墮春雛養不成。

過顏處士墓

向墳通徑沒荒榛，滿室詩書積閭塵。  
長夜肯教黃壤曉，悲風不許白楊春。  
簞瓢顏子生仍促，布被黔婁死更貧。  
未會悠悠上天意，惜將富壽與何人。

題周皓大夫新亭子二十二韻

東道常為主南亭別待賓規模何日創景致一時新  
廣砌羅紅藥疎窓陰綠筠鑠開賓閣曉梯上妓樓春置醴  
寧三爵加籩過八珍茶香飄紫筍膾縷落紅鱗輝赫車  
輿開珍奇鳥獸馴獼猴看握馬鸚鵡喚家人錦額簾高  
捲銀花盞慢巡勸嘗光祿酒許看洛川神  
周兼光祿卿  
有家妓數十人  
斂翠凝歌黛流香動舞巾裙翻繡瀝鸛梳臨鈿麒麟  
笛怨音含楚箏嬌語帶秦侍兒催畫燭醉客吐文茵投

轄多連夜鳴珂便達晨入朝紆紫綬待漏擁朱輪貴介  
交三事光榮照四隣甘濃將奉客穩煖不緣身十載歌  
鍾地三朝節鉞臣愛才心倜儻敦舊禮殷勤門以招賢  
盛家因好事貧始知豪傑意富貴為交親

賦得聽邊鴻

驚風吹起塞鴻群半拂平沙半入雲為問昭君月下聽  
何如蘇武雪中聞

見楊弘貞詩賦因題絕句以自諭

金方口人卷之三  
賦句詩章妙入神  
末年三十即無身  
常嗟薄命形憔悴  
若比弘貞是幸人

病中早春

今朝枕上覺頭輕  
強起堦前試脚行  
羶膩斷來無氣力  
風痰惱得少心情  
煖消霜瓦津初合  
寒減冰渠凍不成  
唯有愁人鬢間雪  
不隨春盡逐春生

送人貶信州判官

地僻山深古上饒  
土風貧薄道程遥  
不唯遷客須恓屑

見說居人也寂寥溪畔毒沙藏水弩城頭枯樹下山魑  
先彫切若於此郡為卑吏刺史廳前又折腰

曲江醉後贈諸親故

郭東丘墓何年客江畔風光幾日春只合殷勤逐杯酒  
不須疎索向交親中天或有長生藥下界應無不死人  
除却醉來開口笑世間何事更關身

和元八侍御升平新居四絕句

時方興元  
八卜隣

看花屋

忽驚映樹新開屋，却似當簷故種花。  
可惜年年紅似火，今春始得屬元家。

累土山

堆土漸高山，意出終南移入戶。  
庭間玉峯藍水應惆悵，

恐見新山望舊山。

元八舊居  
在藍田山

高亭

亭脊太高君莫折，東家留取當西山。  
好看落日斜銜處，

一片春嵐映半環。

松樹

白金換得青松樹君既先栽我不栽  
幸有西風易憑仗  
夜深偷得好聲來

醉後却寄元九

蒲池村裏匆匆別  
澧水橋邊兀兀迴  
行到城門殘酒醒  
萬重離恨一時來

重寄

蕭散弓驚雁分飛  
劍化龍悠悠天地內  
不死會相逢



李十一舍人松園飲小酌酒得元八侍御詩敘  
云在臺中推院有鞫獄之苦即事書懷因酬

四韻

愛酒舍人開小酌能文御史寄新詩  
亂松園裏醉相憶  
古柏廳前忙不知  
早夏我當逃暑日  
晚衙君是慮囚時  
唯應清夜無公事  
新草亭中好一期

元於升平  
屯立草亭

重到華陽觀舊居

憶昔初年三十二  
當時秋思已難堪  
若為重入華陽院

病鬢愁心四十三

答勸酒

莫怪近來都不飲，幾迴因醉却沾巾。  
誰料平生狂酒客，如今變作酒悲人。

題王侍御池亭

朱門深鎖春池滿，岸落菡薇水浸莎。  
畢竟林塘誰是主，主人來少客來多。

聽水部吳員外新詩因贈絕句

朱綬仙郎白雪歌和人雖少愛人多明明說向詩家道  
水部如今不姓何

雨夜憶元九

天陰一日便堪愁何況連宵雨不休一種雨中君最苦  
偏梁閣道向通州

雨中攜元九詩訪元八侍御

微之詩卷憶同開暇日多應不入臺好句無人堪共詠  
衝泥蹋水就君來

贈楊秘書巨源

楊常有贈洛州詩云三刀夢  
益州一箭取遼城由是知名

早聞一箭取遼城相識雖新有故情  
清句三朝誰是敵  
白鬚四海半為兄  
貧家難他計切草時時入瘦馬尋花處  
處行不用更教詩過好折君官職是聲名

和武相公感韋令公舊池孔雀

同用  
深字

索寞少顏色池邊無主禽  
難汲帶泥翅易結著人心  
頂毳充芮切落殘碧尾花銷闇  
金放歸飛不得雲海故巢深

寄生衣與微之因題封上

淺色縠衫輕似霧  
紡花紗袴薄如雲  
莫嫌輕薄但知著  
猶恐通州熱殺君

白牡丹

白花冷淡無人愛  
亦占芳名道牡丹  
應是東宮白贊善  
被人還喚作朝官

夢舊

別來老大苦修道  
鍊得離心成死灰  
平生憶念消磨盡  
昨夜因何入夢來

戲題盧祕書新移薔薇

風動翠條腰嫋嫋  
露垂紅萼淚闌干  
移他到此須為主  
不愛花人莫使看

曲江夜歸聞元八見訪

自入臺來見面稀  
班中遇得揖容輝  
早知相憶來相訪  
悔待江頭明月歸

苦熱題恒寂師禪室

人人避暑走如狂  
獨有禪師不出房  
可是禪房無熱到

但能心靜即身涼

微之到通州日授館未安見塵壁間有數行字  
讀之即僕舊詩其落句云淶水紅蓮一朵開  
千花百草無顏色然不知題者何人也微之  
吟歎不足因綴一章兼錄僕詩本同寄省其  
詩乃是十五年前初及第時贈長安妓人阿  
軟絕句緬思往事杳若夢中懷舊感今因酬  
長句

十五年前似夢遊，曾將詩句結風流。  
偶助笑歌嘲阿軟，可知傳誦到通州。  
昔教紅袖佳人唱，今遣青衫司馬愁。  
惆悵又聞題處所，雨淋江館破牆頭。

得微之到官後書，備知通州之事，悵然有感，因成四章。

來書子細說通州，州在山根峽岸頭。  
四面千重火雲合，中心一道瘴江流。  
蟲蛇白晝攔官道，蚊蚋黃昏撲郡樓。  
何罪遣君居此地，天高無處問來由。



匝

遇合切

匝巔山萬仞餘人家應似甌中居寅年籬下多

逢虎亥日沙頭始賣魚衣斑梅雨長須熨米澀畬田不

解鉏努力安心過三考已曾愁殺李尚書

李實尚書先貶此州身歿

於彼處

人稀地僻醫巫少夏旱秋霖瘴癘多老去一身須愛惜  
別來四體得如何侏儒飽笑東方朔薏苡謾憂馬伏波  
莫遣沈愁結成病時時一唱濯纓歌

通州海內恓惶地司馬人間冗長官傷鳥有絃驚不定

臥龍無水動應難。劍埋獄底誰深掘。松偃霜中盡冷看。  
舉目爭能不惆悵。高車大馬滿長安。

病中答招飲者

顧我鏡中悲白髮。儘君花下醉青春。不緣眼痛兼身病。  
可是樽前第二人。

驚子樓三首

并序

徐州故尚書張有愛妓曰眇眇善歌舞。雅多風態。子為  
校書郎時遊徐泗間。張尚書宴子酒酣出眇眇以佐歡。

歡甚予因贈詩云醉嬌勝不得風嫋牡丹花盡歡而去  
邇後絕不相聞迨茲僅一紀矣昨日司勳員外郎張仲  
素續之訪予因吟新詩有燕子樓三首詞甚婉麗詰其  
由為眇眇作也續之從事武寧軍累年頗知眇眇始末  
云尚書既沒歸葬東洛而彭城有張氏舊第第中有小  
樓名燕子眇眇念舊愛而不嫁居是樓十餘年幽獨塊  
然于今尚在予愛續之新咏感彭城舊遊因同其題作  
三絕句

滿窓明月滿簾霜被冷燈殘拂臥牀燕子樓中霜月夜  
秋來只爲一人長

鈿暈羅衫色似煙幾回欲著即潜然自從不舞霓裳曲  
疊在空箱十一年

今春有客洛陽回曾到尚書墓上來見說白楊堪作柱  
爭教紅粉不成灰

初貶官過望秦嶺

自此後詩江  
州路上作

草草辭家憂後事遲遲去國問前途望秦嶺上回頭立

無限秋風吹白鬚

藍橋驛見元九詩

詩中云江陵歸時逢春雪

藍橋春雪君歸日  
秦嶺秋風我去時  
每到驛亭先下馬  
循牆遶柱覓君詩

韓公堆寄元九

韓公堆北澗西頭  
冷雨涼風拂面秋  
努力南行少惆悵  
江州猶似勝通州

發商州

商州館裏停三日待得妻孥相逐行若比李三猶自勝  
兒啼婦哭不聞聲

武關南見元九題山石榴花見寄

往來同路不同時前後相思兩不知行過關門三四里  
榴花不見見君詩

紅鸚鵡

商山路逢

安南遠進紅鸚鵡色似桃花語似人文章辯慧皆如此  
籠檻何年出得身

題四皓廟

卧逃秦亂起安劉舒卷如雲得自由若有精靈應笑我  
不成一事謫江州

罷藥

自學坐禪休服藥從他時復病沉沉此身不要全強健  
強健多生人我心

白鷺

人生四十未全衰我為愁多白髮垂何故水邊雙白鷺

無愁頭上亦垂絲

襄陽舟中

下馬襄陽郭移舟漢陰驛秋風截江起寒浪連天白本是多愁人復此風波夕

江夜舟行

煙澹月濛濛舟行夜色中江鋪滿槽水帆展半檣風叫曙嗷嗷鴈啼秋唧唧蟲只應催北客早作白鬚翁

紅藤杖



交親過漣別車馬到江迴唯有紅藤杖相隨萬里來

江上吟元八絕句

大江深處月明時一夜吟君小律詩應有水仙潛出聽  
翻將唱作步虛詞

途中感秋

節物行搖落年顏坐變衰樹初黃葉日人欲白頭時鄉  
國程程遠親朋處處辭唯憐病與老一步不相離

登鄂州白雪樓

白雪樓中一望鄉  
青山簇簇水茫茫  
朝來渡口逢京使

說道煙塵近洛陽

時淮西  
寇未平

舟夜贈內

三聲猿後垂鄉淚  
一葉舟中載病身  
莫凭水窓南北望  
月明月闇總愁人

逢舊

我梳白髮添新恨  
君掃青蛾減舊容  
應被傍人怪惆悵  
少年離別老相逢

白口阻風十日

洪濤白浪塞江津處處遭迴事事逆世上方為失途客  
江頭又作阻風人魚鰕遇雨腥盈鼻蚊蚋和煙癢滿身  
老大光陰能幾日等閒白口坐經旬

浦中夜泊

閣上江隄還獨立水風霜氣夜稜稜回看深浦停舟處  
蘆荻花中一點燈

盧侍御與崔評事為予於黃鶴樓置宴宴罷同

望

江邊黃鶴古時樓  
勞置華筵待我遊  
楚思<sub>切</sub>淼<sub>妙</sub>茫雲

水冷商聲清脆  
管絃秋白花浪  
濺頭陀寺紅葉  
林籠鵲  
鵲洲總是平生  
未行處  
醉來堪賞醒堪愁

舟中讀元九詩

把君詩卷燈前讀  
詩盡燈殘天未明  
眼痛滅燈猶闇坐  
逆風吹浪打船聲

舟行阻風寄李十一舍人

扁舟厭泊煙波上輕策閒尋浦嶼

象呂切

間虎蹋青泥稠

似印風吹白浪大於山且愁江郡何時到敢望京都幾

歲還今日料君朝退後迎寒新耐煖開顏

李好小耐酒故云

雨中題衰柳

濕屈青條折寒飄黃葉多不知秋雨意更遣欲如何

題王處士郊居

半依雲渚半依山愛此令人不欲還負郭田園八九頃  
向陽茅屋兩三間寒松縱老風標在野鶴雖饑飲啄閒

一卧江村來早晚著書盈帙鬢毛斑

歲晚旅望

朝來暮去星霜換陰慘陽舒氣序牽萬物秋霜能壞色  
四時冬日最凋年煙波半露新沙地鳥雀群飛欲雪天  
向晚蒼蒼南北望窮陰離思兩無邊

晏坐閒吟

昔為京洛聲華客今作江湖潦倒翁意氣銷磨群動裡  
形骸變化百年中霜侵殘鬢無多黑酒伴衰顏只暫紅

賴學禪門非想定千愁萬念一時空

題李山人

厨無煙火室無妻籬落蕭條屋舍低  
每日將何療飢渴  
井華雲粉一刀圭

讀莊子

去國辭家謫異方中心自怪少憂傷  
為尋莊子知歸處  
認得無何是本鄉

江樓偶宴贈同座

南浦閒行罷西樓小宴時望湖凭檻久待月放杯遲江  
果嘗盧橘山歌聽竹枝相逢且同樂何必舊相知

放言五首

并序

元九在江陵時有放言長句詩五首韻高而體律意古  
而詞新予每詠之甚覺有味雖前輩深於詩者未有此  
作唯李頎渠宜切有云濟水至清河自濁周公大聖接輿  
狂斯句近之矣予出佐潯陽未屆所任舟中多暇又江  
上獨吟因綴五篇以續其意耳



朝真暮偽何人辨古往今來底事無但愛莊生能詐聖  
可知甯子解佯愚草螢有耀終非火荷露雖團豈是珠  
不取燭柴薰照乘可憐光彩亦何殊

世途倚伏都無定塵網牽纏卒未休禍福迴還車轉轂  
榮枯反覆手藏鈎龜靈未免剗腸患馬失應無折足憂  
不信君看奕棋者輸贏須待局終頭

贈君一法決狐疑不用鑽龜與祝蓍試玉要燒三日滿

真玉燒三日不熱

辨材須待七年期

豫章木生七年而後知

周公恐懼流言日

王莽謙恭未篡時向使當時身便死一生真偽復誰知

誰家第宅成還破何處親賓哭復歌昨日屋頭堪炙手  
今朝門外好張羅北邙未省留閒地東海何曾有定波  
莫笑賤貧誇富貴共成枯骨兩如何

泰山不要欺毫末顏子無心羨老彭松樹千年終是朽  
槿花一日自為榮何須戀世常憂死亦莫嫌身漫厭生  
生去死來都是幻幻人哀樂繫何情

歲暮道情二首

壯日苦曾驚歲月長年都不惜光陰為學空門平等法  
先齊老少死生心

半故青衫半白頭雪風吹面上江樓禪功自見無人覺  
合是愁時亦不愁

讀李杜詩集因題卷後

翰林江左日員外劍南時不得高官職仍逢苦亂離暮  
年逋客恨浮世謫仙悲吟詠流千古聲名動四夷文場

供秀句樂府待新詞天意君須會人間要好詩

賀監知章目李

白為謫  
仙人

強酒

若不坐禪銷妄想即須吟醉放狂歌不然秋月春風夜  
爭那閒思往事何

獨樹浦雨夜寄李六郎中

忽憶兩家同里巷何曾一處不追隨閒遊預筭分朝日  
靜語多同待漏時花下放狂衝黑飲燈前起坐徹明棋

可知風雨孤舟夜蘆葦叢中作此詩

聽崔七妓人箏

花臉雲鬟坐玉樓十三絃裏一時愁憑君向道休彈去  
白盡江州司馬頭

望江州

江迴望見雙華表知是潯陽西郭門猶去孤舟三四里  
水煙沙雨欲黃昏

初到江州

潯陽欲到思無窮，庾亮樓南湓口東。  
樹木凋疎山雨後，

人家低濕水煙中。

攻乎切

蔣

子良切

餒馬行無力，蘆荻編

房。卧有風遙見，朱輪來出郭。相迎勞動使君公。

### 醉後題李馬二妓

行搖雲髻花鈿節，應似霓裳趁管絃。  
艷動舞裙渾是火，愁凝歌黛欲生煙。  
有風縱道能迴雪，無水何由忽吐蓮。  
疑是兩般心未決，雨中神女月中仙。

### 盧侍御小妓乞詩座上留贈

鬱金香汗裛

一入切

歌巾山石榴花染舞裙好似文君還

對酒勝於神女不歸雲夢中那及覺時見宋玉荆王應

羨君

白氏長慶集卷十五

謹案卷第十四第二十二頁後六行鴨也刊本鴨訛

鴨按禮記疏家鴨曰鶩今據改


卷十五第十四頁後一行淺色穀衫輕似霧刊本  
衫訛紗據全唐詩改

第十五頁後二行見塵壁間有數行字刊本字訛  
事據全唐詩改

第二十二頁後五行更遣欲如何刊本如何訛何  
如據全唐詩改







總校官庶吉士臣張能照  
校對官編修臣沈清藻  
謄錄監生臣劉震

欽定四庫全書薈要

集部

白氏長慶集卷十六

七

詳校官助教臣常循



白氏長慶集卷十六

唐白居易撰

律詩

五言七言自二韻至一百韻凡一百首

東南行一百韻寄通州元九侍御澧州李十一  
舍人果州崔二十二使君開州韋大員外庾  
三十二補闕杜十四拾遺李二十助教員外  
竇七校書



南去經三楚東來過五湖山頭看候館水面問征途地

遠窮江界天低極海隅飄零同落葉浩蕩似乘桴漸覺

鄉原異深知土產殊夷音語嘲哂先擊切蠻態笑睢盱水

市通闌闌煙村混舫直六切艫龍都切吏徵魚戶稅人納火

田租亥日饒鰕鱗寅年足虎羆抽居切成人男作古患切小

似鬼女為巫樓閣攢倡婦隄喧簇販夫夜船論鋪賃春

酒斷餅沽見果多盧橘聞禽悉鷓鴣山歌猿獨叫野哭

鳥相呼嶺徼雲成棧江郊水當郭月橋翹柱鶴風汎颭

檣鳥黿礙潮無信蛟驚浪不虞鼉鳴泉窟室蜃

時軫結切

氣浮圖樹裂山魈

先彫切

穴沙含水弩樞喘牛犁紫芋羸

馬放青菰繡面誰家婢鵓頭幾歲奴泥中採菱茨

巨險切

燒後拾樵蘇鼎臍愁烹鼈盤腥厭膾鱸鍾儀徒戀楚張

翰浪思吳氣序涼還熱光陰旦復晡

奔模切

身方逐萍梗

年欲近桑榆渭北田園廢江西歲月徂憶歸恒慘澹懷

舊忽踟躕自念咸秦客嘗為鄒魯儒蘊藏經國術輕棄

度關繻賦力凌鸚鵡詞鋒敵轆轤戰文重掉鞅射策一

彎弧崔杜鞭齊下元韋轡並驅名聲逼揚馬交分過蕭

朱世務輕摩揣周行竊覲覲風雲皆會合雨露各霑濡

共偶昇平代偏慙固陋軀承明連夜直建禮拂晨趨美

服頌王府珍羞降御厨議高通白虎諫切伏青蒲栢殿

行陪宴花樓走看酺

薄胡切

神旗張鳥獸天籟動笙竽

劍星芒耀魚龍電策駟定場排漢旅促坐進吳觥

羊朱切吳

歌曰縹緲疑仙樂嬋娟勝畫圖歌鬋低翠羽舞汗墮紅

珠別選閒遊伴潛招小飲徒一杯愁已破三盞氣彌麤

軟美仇家酒幽閒葛氏姝十千方得斗二八正當鑪論

笑杓胡碑談憐鞏嘯嚙李酣猶短實庾醉更蕘因肩切

迂鞍馬呼教住散盤唱遣輸長驅波卷白連擲采成盧

散盤卷白波莫走鞍馬皆當時酒令籌併頻逃席觥嚴列置孟滿卮那可

灌頽玉不勝扶入視中樞草歸乘內廐駒醉曾衝宰相

驕不揖金吾日近恩雖重雲高勢却孤翻身落霄漢失

脚倒泥塗博望移門籍潯陽佐郡符予自太子贊善大夫出為江州司馬

時情變寒暑世利筭錙銖即日辭雙闕明朝別九衢播



遷分郡國次第出京都

十年春徵之移佐通州其年秋予出佐潯陽明年冬杓直出牧

潯州崔二十二出牧

秦嶺馳三驛商山上二邛

云俱切商山陰

果州韋大出牧開州

道中有東西二邛

崑陽亭寂寞夏口路崎嶇大道全生棘中丁

盡執爰江關未徹警淮寇尚稽誅

時淮西未平路經襄鄂二州界所見如此

林對東西寺山分大小姑

東林西林寺在廬山北大小姑小姑在廬山南彭蠡湖中

廬峰蓮刻削湓浦帶縈紆

蓮花峯在廬山北湓水在江城南何遜詩云湓城對湓水

湓水縈如帶

九派吞青草

潯陽在九派南通青草湖度湖

孤城覆綠蕪

城南方城壁

多以草覆黃昏鐘寂寂清曉角鳴鳴春色辭門柳秋聲到井

梧殘芳悲鷓鴣

決音啼

暮節感茱萸藥拚金英菊花飄雪

片蘆波紅日斜沒沙白月平鋪幾見林抽笋頻驚燕引雛  
歲華何倏忽年少不須更眇然思千古蒼茫想八區  
孔窮緣底事顏夭有何辜龍智猶經醢龜靈未免刳窮  
通應已定聖哲不能逾況我身謀拙逢他厄運拘漂流  
隨大海鎚鍛任洪爐險阻嘗之矣栖遲命也夫沈冥消  
意氣窮餓耗肌膚防瘡和殘藥迎寒補舊襦書牀鳴蟋  
蟀琴匣網跼踟貧室如懸磬端憂劇守株時遭人指點

數被鬼擲

余遮切

揄

雲俱切

兀兀都疑夢昏昏半是愚女驚

朝不起妻怪夜長吁萬里拋朋侶三年隔友于自然悲

聚散不是恨榮枯去夏微之瘡今春席八祖天涯書達

否泉下哭知無

去年聞元九瘡書去竟未報今春聞席八祖久與還往能無慟哭

謾寫

詩盈卷空盛酒滿壺只添新悵望豈復舊歡娛壯志因

愁減衰容與病俱相逢應不識滿領

戶感切

白髭鬚

謫居

面瘦頭斑四十四遠謫江州為郡吏逢時棄置從不才

未老衰羸為何事火燒寒澗松為燼霜降春林花委地  
遭時榮悴一時間豈是昭昭上天意

初到江州寄翰林張李杜三學士

早攀霄漢上天衢晚落風波委世途雨露施恩無厚薄  
蓬蒿隨分有榮枯傷禽側翅驚弓箭老婦低顏事舅姑  
碧落三仙曾識面年深記得姓名無

庾樓曉望

獨憑朱檻立凌晨山色初明水色新竹霧曉籠銜嶺月

蘋風送暖過江春  
子城陰處猶殘雪  
衙鼓聲前未有塵  
三百年來庾樓上  
曾經多少望鄉人

宿西林寺

木落天晴山翠開  
愛山騎馬入山來  
心知不及柴桑令  
一

宿西林便欲回

柴桑令劉遺民是也

江樓宴別

樓中別曲催離酌  
燈下紅裙間綠袍  
縹緲楚風羅綺薄  
鉦鏃越調管絃高  
寒流帶月澄如鏡  
夕吹和霜利似刀

樽酒未空歡未盡舞腰歌袖莫辭勞

題山石榴花

一叢千朵壓欄干剪碎紅綃却作團風嫋舞腰香不盡  
露銷粧臉淚新乾薔薇帶刺攀應懶菡萏生泥翫亦難  
爭及此花簷戶下任人採弄盡人看

代春贈

山吐晴峰水放光辛夷花白柳梢黃但知莫作江西意  
風景何曾異帝鄉

答春

草煙低重水花明從道風光似帝京  
其奈山猿江上叫  
故鄉無此斷腸聲

櫻桃花下歎白髮

逐處花皆好隨年貌自衰  
紅櫻滿眼日白髮半頭時倚  
樹無言久攀條欲放遲  
臨風兩堪歎如雪復如絲

惜落花贈崔二十四

漠漠紛紛不奈何  
狂風急雨兩相和  
晚來悵望君知否

枝上稀疎地上多

移山櫻桃

亦知官舍非吾宅且劉山櫻滿院栽上佐近來多五考  
少應四度見花開

官舍閒題

職散優閒地身慵老大時送春唯有酒銷日不過基祿  
米麋工良切牙猗園疏鴨脚葵飽餐晨晏起餘暇弄龜兒

龜兒即  
小姪名



晚春登大雲寺南樓贈常禪師

花盡頭新白登樓意若何  
歲時春日少世界苦人多  
愁醉非因酒悲吟不是歌  
求師治此病唯勸讀楞伽

北樓送客歸上都

憑高眺遠一悽悽  
却下朱欄手共攜  
京路人歸天直北  
江樓客散日平西  
長津欲渡迴船尾  
殘酒重傾簇馬蹄  
不獨別君須強飲  
窮愁自要醉如泥

北亭招客

疎散郡丞同野客幽閒官舍抵山家春風北戶千莖竹  
晚日東園一樹花小盞吹醅鋪杯切嘗冷酒深爐敲火炙  
新茶能來盡日觀茶否太守知慵放晚衙

宿西林寺早赴東林滿上人之會因寄崔二十

二員外

謫辭魏闕鵬鸞隔老入廬山麋鹿隨薄暮蕭條投寺宿  
凌晨清淨與僧期雙林我起聞鐘後隻日君趨入閣時  
鵬鸞高低分皆定莫勞心力遠相思

遊寶稱寺

竹寺初晴日  
花塘欲晚春  
野猿疑弄客  
山鳥似呼人  
酒嫩傾金液  
茶新碾玉塵  
可憐幽靜地  
堪寄老慵身

早春聞提壺鳥因題隣家

厭聽秋猿催  
下淚喜聞春  
鳥勸提壺誰  
家紅樹先  
花發何處  
青樓有酒沽  
進士麤豪尋  
靜盡拾遺  
風彩近都  
無欲期明日  
東隣醉變作  
騰騰一俗夫

見紫薇花憶微之

一叢閨澹將何比淺碧籠裙襯紫巾除却微之見應愛  
人間少有別花人

薔薇花一叢獨死不知其故因有是篇

柯條未嘗損根發不曾移同類今齊茂孤芳忽獨萎仍  
憐委地日正是帶花時碎碧初凋葉焦紅尚戀枝乾坤  
無厚薄草木自榮衰欲問因何事春風亦不知

湖亭望水

久雨南湖漲新晴北客過日沉紅有影風定綠無波岸

沒間闔少灘平船舫多可憐心賞處其奈獨遊何

閒遊

外事因慵廢中懷與靜期尋泉上山遠看笋出林遲白石磨樵斧青竿理釣絲澄清深淺好最愛夕陽時

憶微之傷仲遠

李三仲遠  
去年春喪

幽獨辭群久漂流去國賒只將琴作伴唯以酒為家感逝因看水傷離為見花李三埋地底元九謫天涯舉眼青雲遠回頭白日斜可能勝賈誼猶自滯長沙

過鄭處士

聞道移居村塢間  
竹林多處獨開關  
故來不是求他事  
暫借南亭一望山

霖雨苦多江湖暴漲塊然獨望因題北亭

自作潯陽客  
無如苦雨何  
陰昏晴日少  
閒悶睡時多  
湖闊將天合  
雲低與水和  
籬根舟子語  
巷口釣人歌  
霧島沈黃氣  
風帆蹙白波  
門前車馬道  
一宿變江河

春末夏初間遊江郭二首

間出乘輕屐徐行蹋軟沙觀魚傍湓浦看竹入楊家

湓浦

多魚浦西有楊林迸穿籬箊藤飄落水花雨埋釣舟小  
侍郎宅多好竹

風颺酒旗斜嫩剝青菱角濃煎白茗茶淹留不知夕城  
樹欲栖鴉

二

柳影繁初合鶯聲澁漸稀早梅迎夏結殘絮送春飛西  
日韶光盡南風暑氣微展張新小簾熨帖舊生衣綠蟻  
杯香嫩紅絲餽縷肥故園無此味何必苦思歸

紅藤杖

杖出南蠻

南詔紅藤杖西江白首人  
時時攜步月處處把尋春  
勁健孤莖直踈圓六節勻  
火山生處遠瀘水洗來新  
粗細纔盈手高低僅過身  
天邊望鄉客何日拄歸秦

風雨中尋李十一因題船上

匹馬來郊外扁舟在水濱  
可憐衝雨客來訪阻風人  
小醢苦盍切沽清醕私呂切  
行厨煮白鱗停杯看柳色  
各憶故園春



題廬山山下湯泉

一眼湯泉流向東，浸泥澆草煖無功。  
驪山溫水因何事，流入金鋪玉甃中。

寄蘄州簞與元九因題六韻

時元九  
繆居

笛竹出蘄春，霜刀劈翠筠。  
織成雙鎖簞，寄與獨眠人。  
卷作筒中布，舒為席上珍。  
滑如鋪薤葉，冷似卧龍鱗。  
清潤宜乘露，鮮華不受塵。  
通州炎瘴地，此物最關身。

秋熱

西江風候接南威，暑氣常多風氣微。  
猶道江州最涼冷，至今九月著生衣。

題元八溪居

溪嵐漠漠樹重重，水檻山牕次第逢。  
晚葉尚開紅躑躅，秋芳初結白芙蓉。  
聲來枕上千年鶴，影落杯中五老峯。  
更媿殷勤留客意，魚鮮飯細酒香濃。

晚出西郊

散吏閒如客，貧州冷似村。  
早涼湖北岸，殘照郭西門。  
嬾

鑷尼輒切

從鬚白休醫任眼昏老來何所用少興不多言

階下蓮

葉展影翻當砌月花開香散入簾風不如種在天池上  
猶勝生於野水中

端居詠懷

賈生俟罪心相似張翰思歸事不如斜日早知驚鵬鳥  
秋風悔不憶鱸魚胸襟曾貯匡時策懷袖猶殘諫獵書  
從此萬緣都擺落欲攜妻子買山居

夜宿江浦聞元八改官因寄此詩

君遊丹陛已三遷我汎滄浪欲二年  
劒珮曉趨雙鳳闕煙波夜宿一漁船  
交親盡在青雲上鄉國遙拋白日邊  
若報生涯應笑殺結茅栽芋種畬田

百花亭

朱檻在空虛涼風八月初山形如峴首  
江色似桐廬佛寺乘船入人家枕水居  
高亭仍有月今夜宿何如

江樓早秋

南國雖多熱秋來亦不遲湖光朝霽後竹氣晚涼時樓閣宜佳客江山入好詩清風水蘋葉白露木蘭枝欲作雲泉計須營伏臘資匡廬一步地官滿更何之

送客之湖南

年年漸見南方物事事堪傷北客情山鬼趨邱奴切跳唯  
一足峽猿哀怨過三聲帆開青草湖中去衣江黃梅雨  
裏行別後雙魚難定寄近來潮不到湓城

百花亭晚望夜歸

百花亭上晚徘徊雲影陰晴掩復開日色悠揚暝山盡  
雨聲蕭颯渡江來髣髴毛遇病雙如雪心緒逢秋一似灰  
向夜欲歸愁未了滿湖明月小船迴

西樓

小郡大江邊危樓夕照前青蕪卑濕地白露沈

呼沃切

寥

天鄉國此時阻家書何處傳仍聞陳蔡戍轉戰已三年  
尋李道士山居兼呈元明府

盡日行還歇遲遲獨上山攀藤老筋力照水病容顏陶

巷招居住茅家許往還飽諳榮辱事無意戀人間

四十五

行年四十五兩鬢半蒼蒼清瘦詩成癖粗豪酒放狂  
老來尤委命安處即為鄉或擬廬山下來春結草堂

寄李相公崔侍郎錢舍人

曾陪鸛馭兩三仙親侍龍輿四五年天上歡華春有限  
世間漂泊海無邊榮枯事過都成夢憂喜心忘便是禪  
官滿更歸何處去香爐峯在宅門前

廳前桂

天台嶺上凌霜樹司馬廳前委地叢一種不生明月裏  
山中猶校勝塵中

尋黃道士藥堂因有題贈

行行覓路緣松嶠步步尋花到杏壇白石先生小有洞  
黃芽姹齒下切女大還丹常悲東郭千家塚欲乞西山五

色丸但恐長生須有籍仙臺試為檢名看

秋晚



籬菊花稀砌桐落樹陰離離日色薄單幕疎簾貧寂寞  
涼風冷露秋蕭索光陰流轉忽已晚顏色凋殘不如昨  
萊妻卧病月明時不搥寒衣空搥藥

南浦歲暮對酒送王十五歸京

臘後水生覆湓水夜來雲間失廬山風飄細雪落如米  
索索蕭蕭蘆葦間此地二年留我住今朝一酌送君還  
相看漸老無過醉聚散窮通總是閒

除夜

薄晚支頤坐中宵枕臂眠一從身去國再見日周天老  
度江南歲春拋渭北田潯陽來早晚明日是三年

聞李十一出牧澧州崔二十二出牧果州因寄

絕句

平生相見即眉開靜念無如李與崔各是天涯為刺史  
緣何不覓九江來

元和十三年淮寇未平詔停歲仗憤然有感率

酬成章

聞傳歲仗軫皇情應為淮西寇未平不分氣從歌裏發  
無明心向酒中生愚計忽思飛短檄狂心便欲請長纓  
從來妄動多如此自笑何曾得事成

庾樓新歲

歲時銷旅貌風景觸鄉愁牢落江湖意新年上庾樓

上香爐峯

倚石攀蘿歇病身青筇竹杖白紗巾他時畫出廬山障  
便是香爐峯上人

憶微之

與君何日出屯蒙  
魚戀江湖鳥厭籠  
分手各拋滄海畔  
折腰俱老綠衫中  
三年隔闊音塵斷  
兩地飄零氣味同  
又被新年勸相憶  
柳條黃軟欲春風

雨夜贈元十八

卑濕沙頭宅連陰  
雨夜天共聽簷溜  
滴心事兩悠然把  
酒循環飲移牀  
曲尺牀莫言非故  
舊相識已三年

寒食江畔

草香沙暖水雲晴風景令人憶帝京還似往年春氣味  
不宜今日病心情聞鶯樹下沉吟立信馬江頭取次行  
忽見紫桐花帳望下邳明日是清明

三月三日登庾樓寄三十二

三日歡遊辭曲水二年愁臥在長沙每登高處長相憶  
何況茲樓屬庾家

聞李六景儉自河東令授唐鄧行軍司馬以詩

賀之

誰能淮上靜風波聞道河東應此科不獨文詞供奉記  
定將談笑解兵戈泥埋劒戟終難久水借蛟龍何在多  
四十著緋軍司馬男兒官職未蹉跎

石榴樹

可憐顏色好陰涼葉剪紅殘花撲霜傘蓋低垂金翡翠  
薰籠亂搭繡衣裳春芽細炷千燈焰夏藥濃焚百合香  
見說上林無此樹只教桃柳占年芳

柳一作李

大林寺桃花

人間四月芳菲盡，山寺桃花始盛開。  
長恨春歸無覓處，不知轉入此中來。

詠懷

自從委任順浮沈，漸覺年多功用深。  
面上減除憂喜色，胸中消盡是非心。  
妻兒不問唯耽酒，冠帶皆慵只抱琴。  
長笑靈均不知命，江蘺叢畔苦悲吟。

魚音切

早發楚城驛

雨過塵埃滅，江道徑平。  
月乘殘夜出，人趁早涼行。  
寂

歷閒唵動冥濛  
聞思生荷塘  
翻露氣相襲  
瀉泉聲宿犬  
聞鈴起栖禽  
見火驚隴隴  
烟樹色十里  
始天明

箬峴東池

箬

如灼切

峴

胡典切

亭東有小池  
早荷新荇綠  
參差中宵把

火行人發驚  
起雙棲白鷺  
鷺

建昌江

建昌江水縣門前  
立馬教人喚渡船  
忽似往年歸蔡渡  
草風沙雨渭河邊



哭從弟

傷心一尉便終身叔母年高新婦貧一片綠衫消不得  
腰金拖紫是何人

香爐峯下新卜山居草堂初成偶題東壁五首  
五架三間新草堂石階柱柱竹編牆南簷納日冬天煖  
北戶迎風夏月涼灑砌飛泉纔有點拂牕斜竹不成行  
來春更葺東廂屋紙閣蘆簾著孟光

喜入山林初息影厭趨朝市久勞生早年薄有烟霞志

歲晚深諳世俗情已許虎溪雲裏卧不爭龍尾道前行  
從茲耳界應清淨免見啾啾毀譽聲

長松樹下小溪頭斑鹿胎巾白布裘藥圃茶園為產業  
野麋林鶴是交遊雲生澗戶衣裳潤嵐隱山厨火燭幽  
最愛一泉新引得清冷屈曲遶階流

日高睡足猶慵起小閣重裘不怕寒遺愛寺泉歌枕聽  
香爐峯雪撥簾看匡廬便是逃名地司馬仍為送老官  
心泰身寧是歸處故鄉何獨在長安

宦途自此心長別世事從今口不言  
豈止形骸同土木兼將壽夭任乾坤  
胸中壯氣猶須遣身外浮雲何足論  
還有一條遺恨事高家門館未酬恩

山中問月

為問長安月誰教不暫離昔隨飛蓋處  
今照入山時借助秋懷曠留連夜臥遲  
如歸舊鄉國似對好親知松下行為伴  
谿頭坐有期千巖將萬壑無處不相隨

正月十五日夜東林寺學禪偶懷藍田楊主簿

因呈智禪師

新年三五東林夕星漢迢遙鐘梵遲花縣當君行樂夜  
松房是我坐禪時忽看月滿還相憶始歎春來自不知  
不覺定中微念起明朝更問鴈門師

臨水坐

昔為東掖垣中客今作西方社內人手把楊枝臨水坐  
閒思往事似前身

山居

山齋方獨往塵事莫相仍  
藍輿辭鞍馬緇徒換友朋  
朝餐唯藥菜夜伴只紗燈  
除却青衫在其餘便是僧

遺愛寺

弄日臨溪坐尋花遶寺行  
時時聞鳥語處處是泉聲

山中與元九書因題書後

憶昔封書與君夜金鑾殿後欲明天  
今夜封書在何處  
廬山菴裏晚燈前籠鳥檻猿俱未死人間相見是何年

黃石巖下作

久別鵷鷺侶深隨鳥獸羣教他遠親故何處覓知聞昔  
日青雲意今移向白雲

戲贈李十三判官

垂鞭相送醉醺醺遙見廬山指似君想君初覺從軍樂  
未愛香爐峰上人

醉中戲贈鄭使君

時使君先歸  
留妓樂重飲

密座移紅毯吐敢切酡顏照綠杯雙娥留且住五馬任先

迴醉耳歌催醒愁眉笑引開平生少年興臨老慙重來

江亭夕望

憑高遠望思悠哉  
晚上江亭夜未迴  
日欲沒時紅浪沸  
月初生處白烟開  
辭枝雪蘂將春去  
滿鑷尼輒切霜毛送  
老來爭敢三年作  
歸計心知不及賈生才

酬元員外三月三十日慈恩寺相憶見寄

悵望慈恩三月盡  
紫桐花落鳥關關  
誠知曲水春相憶  
其奈長沙老未還  
赤嶺猿聲催白首  
黃茅瘴色換朱顏  
誰言南國無霜雪  
盡在愁人鬢髮間

偶然二首

楚懷邪亂靈均直放棄合宜何惻惻漢文明聖賈生賢  
謫向長沙堪歎息人事多端何足怪天文至信猶差忒  
月離于畢合靄靄有時不雨誰能測

火發城頭魚水裏救火竭池魚失水垂龍藏在牛領中  
雷擊龍來牛枉死人道著神龜骨靈試卜魚牛那至此  
六十四卦七十鑽畢竟不能知所以

中秋月



萬里清光不可思  
添愁益恨遶天涯  
誰人隴外久征戍  
何處庭前新別離  
失寵故姬歸院夜  
沒蕃老將上樓時  
照他幾許人腸斷  
玉兔銀蟾遠不知

謝李六郎中寄新蜀茶

故情周匝向交親  
新茗分張及病身  
紅紙一封書後信  
綠芽十片火前春  
湯添勺水煎魚眼  
末下刀圭攪麴塵  
不寄他人先寄我  
應緣我是別茶人

攜諸山客同上香爐峯  
遇雨而還沾濡狼籍互

相笑謔題此解嘲

蕭灑登山去龍鍾遇雨回磴

丁鄧切

危攀薜

博陌切

荔

力齊切

石滑踐莓苔襪汙君相謔鞋穿我自咍

呼來切

莫欺泥土

脚曾蹋玉階來

彭蠡湖晚歸

彭蠡湖天晚桃花水氣春鳥飛千白點日沒半紅輪何  
必為遷客無勞是病身但來臨此望少有不愁人

酬贈李鍊師見招

幾年司諫直承明  
今日求真禮上清  
曾犯龍鱗容不死  
欲騎鶴背覓長生  
劉綱有婦仙同得  
伯道無兒累更輕  
若許移家相近住  
便驅雞犬上層城

西河雨夜送客

雲黑雨條條  
江昏水閣流  
有風催解纜  
無月伴登樓  
酒罷無多興  
帆開不少留  
唯看一點火  
遙認是行舟

登西樓憶行簡

每因樓上西南望  
始覺人間道路長  
礙日暮山青簇簇

漫天秋水白茫茫風波不見三年面書信難傳萬里腸  
早晚東歸來下峽穩乘船舫過瞿唐

羅子

有女名羅子生來纔兩春我今年已長日夜二毛新顧  
念嬌啼面思量老病身直應頭似雪始得見成人

讀靈徹詩

東林寺裏西廊下石片鐫題數首詩言句怪來還校別  
看名知是老湯師

聽李士良琵琶

人各賦二  
十八字

聲似胡兒彈舌語愁如塞月恨邊雲閒人整聽猶眉斂  
可使和蕃公主聞

昭君怨

明妃風貌最娉婷合在椒房應四星只得當年備宮掖  
何曾專夜奉幃屏見陳從道迷圖畫知屈那教配虜庭  
自是君恩薄如紙不須一向恨丹青

一作命卑  
如紙薄

閒吟

自從苦學空門法銷盡平生種種心  
唯有詩魔降未得  
每逢風月一閒吟

戲問山石榴

小樹山榴近砌栽半含紅萼帶花來  
爭知司馬夫人妬  
移到庭前便不開

編集拙詩成一十五卷因題卷末戲贈元九李  
二十

一篇長恨有風情十首秦吟近正聲  
每被老元偷格律

元九向江陵日嘗以拙詩一軸贈行自後格變苦教短李伏歌行

李二十常自負歌行近見

予樂府五十首默然心伏世間富貴應無分身後文章合有名莫怪

氣粗言語大新排十五卷詩成

湖上閒望

藤花浪拂紫茸條  
菰葉風翻綠剪刀  
閒弄水芳生楚思  
時時合眼詠離騷

白氏長慶集卷十六

白氏長慶集卷十七

唐白居易撰

律詩

五言七言自兩韻至五十韻凡一百首

江南謫居十韻

自哂沉冥客曾為獻納臣  
壯心徒許國薄命不如人  
纔展凌雲翅俄成失水鱗  
葵枯猶向日蓬斷欲辭春  
澤畔長愁地天邊欲老身  
蕭條殘活計冷落舊交親  
草合門



無徑煙消甌有塵憂方知酒聖貧始覺錢神虎尾難容  
足羊腸易覆輪行藏與通塞一切任陶鈞

江樓夜吟元九律詩成三十韻

昨夜江樓上吟君數十篇詞飄朱檻底韻墜綠江前清  
楚音諧律精微思入玄收將白雪麗奪盡碧雲妍寸截  
金為句雙雕玉作聯八風淒間發五彩爛相宣冰扣聲  
聲冷珠排字字圓文頭交比繡筋骨軟於綿胡孔湧切

同波浪錚鏦過管絃醴泉流出地鈞樂下從天神鬼聞

如泣魚龍聽似禪星迴疑聚散月落為留連鴈感無鳴  
者猿愁亦悄然交流遷客淚停住賈人船閣被歌姬乞  
潛聞思婦傳斜行題粉壁短卷寫紅箋肉味經時忘頭  
風當日痊老張知定伏短李愛應顛

張十八籍李二十  
紳皆攻律詩故云

道屈才方振身閒業始專天教聲烜

況遠切

赫理合命述

邇顧我文章劣知他氣力全功夫雖共到巧拙尚相懸  
各有詩千首俱拋海一邊白頭吟處變青眼望中穿酬  
荅朝妨食披尋夜廢眠老償文債負宿結字因緣每歎

陳夫子

陳子昂著感興詩稱于世

常嗟李謫仙

賀知章謂李白為謫仙

名高折

人爵思苦減天年

李竟無官陳亦早夭

不得當時遇空令後代憐

相悲今若此湓浦與通川

潯陽歲晚寄元八郎中庾三十二員外

閱水年將暮燒金道未成丹砂不肯死白髮自須生病

肺慙杯滿衰顏忌鏡明春深舊鄉夢歲晚故交情一別

浮雲散雙瞻列宿榮螭

抽知切

頭階下立龍尾道前行封

事頻聞奏除書數見名虛懷事僚友平步取公卿漏盡

雞人報朝回  
幼女迎可憐  
白司馬老大在  
溫城

元九以綠絲布白輕裕

以中切

見寄製成衣服以

詩報知

綠絲文布素輕裕  
珍重京華手自封  
貧友遠勞君寄附  
病妻親為我裁縫  
袴花白似秋雲薄  
衫色青於春草濃  
欲著却休知不稱  
折腰無復舊形容

清明送韋侍郎貶虔州

寂寞清明日  
蕭條司馬家  
留錫

徐盈切

和冷粥出火煮新

茶欲別能無酒相留亦有花南遷更何處此地已天涯

### 九江春望

森

匹妙切

茫積水非吾土飄泊浮萍自我身身外信緣為

活計眼前隨事覓交親鑪煙宜異終南色湓草寧殊渭

北春此地何方便終老譬如元是九江人

香鑪峰上多煙湓水畔邊

有草因而記之

### 晚題東林寺雙池

向晚雙池好初晴百物新梟枝翻翠羽濺水躍紅鱗萍

汎同遊子蓮開當麗人臨流一惆悵還憶曲江春

贈內子

白髮長興歎青娥亦伴愁寒衣補燈下小女戲牀頭閨  
澹屏幃故淒涼枕席秋貧中有等級猶勝嫁黔婁

送客春遊嶺南二十韻

因敘嶺南方物以諭之  
并擬微之送崔二十二

之作

已訝遊何遠仍嗟別太頻離容君感促贈語我殷勤迨  
遞天南面蒼茫海北湄

殊倫切

訶陵國分界交趾郡為隣

翁

烏紅切

鬱三光晦溫暾

他昆切

四氣勻陰晴變寒暑昏曉

錯星辰瘴地難為老蠻貊不易馴土民稀白首洞主盡

黃巾戰艦猶驚浪戎車未息塵

時黃家賊方動

紅旗圓弁服紫

綬裹丈身麴苦枕

姑黃切

榔

魯堂切

製漿酸橄欖新牙檣迎

海舶銅鼓賽江神不凍貪泉煖無霜毒草春雲煙蟒蛇

氣刀劒鰐魚鱗路足羈棲客官多謫逐臣天黃生魁

忌遇

切母

颶母如虹欲大風即見

雨黑長楓人

楓人因夜雷雨輒聞長數丈

迴使先

傳語征軒早返輪須防杯裏蠱

南方蠱毒多置酒中

莫愛索中珍

北與南殊俗身將貨孰親嘗聞君子誠憂道不憂貧

自題

功名宿昔人多許寵辱斯湏自不知一旦失恩先左降  
三年隨例未量移馬頭覓角生何日石火敲光住幾時  
前事是身俱若此空門不去欲何之

自悲

火宅煎熬地霜松摧折身因知羣動內易死不過人

尋郭道士不遇



郡中乞假來相訪  
洞裏朝元去不逢  
看院祇留雙白鶴  
入門惟見一青松  
藥爐有火丹應伏  
雲碓無人水自舂  
廬山中雲母多  
故以水碓  
碓碓鍊俗呼為水碓  
欲問叅同契  
中事更期何日得  
從容

潯陽春三首

元和十  
二年作

春生

春生何處間  
周遊海角天涯  
遍始休先遣和風報消息  
續教啼鳥說來由  
展張草色長河畔  
點綴花房小樹頭

若到故園應覓我為傳淪落在江州

春來

春來觸動故鄉情  
忽見風光憶兩京  
金谷蹋花香騎入  
曲江碾草鈿車行  
誰家綠酒歡連夜  
何處紅樓睡失明  
獨有不眠不醉客  
經春冷坐古湓城

春去

一從澤畔為遷客  
兩度江頭送暮春  
白髮更添今日鬢  
青衫不改去年身  
百川未有回流水  
一老終無却少人

四十六時三月盡送春爭得不殷勤

夢微之

十二年八月  
二十二日夜

晨起臨風一惆悵通川湓水斷相聞不知憶我因何事  
昨夜三迴夢見君

贈韋鍊師

潯陽遷客為居士身似浮雲心似灰上界女仙無嗜好  
何因相顧兩徘徊共疑過去人間世曾作誰家夫婦來

問劉十九

綠螳

語起切

新醅酒紅泥小火爐晚來天欲雪能飲一杯

無

得行簡書聞欲下峽先以此寄

朝來又得東川信欲取春初發梓州書報九江聞顰喜  
路經三峽想還愁瀟湘瘴霧加餐飯濫潁驚波穩泊舟  
欲寄兩行迎爾淚長江不肯向西流

南湖早春

風迴雲斷雨初晴返照湖邊暖復明亂點碎紅山杏發

平鋪新綠水蘋生翅低白鴈飛仍重舌澁黃鸝語未成  
不道江南春不好年年衰病減心情

元十八從事南海欲出廬山臨別舊居有戀泉  
聲之什因以投和兼伸別情

賢侯辟士禮從容莫戀泉聲問所從雨露初承黃紙詔  
煙霞欲別紫霄峰傷弓未息心驚鳥得水難留久臥龍  
我正退藏君變化一杯可易得相逢

題韋家泉池

泉落青山出白雲  
縈村遶郭幾家分  
自從引作池中水  
深淺方圓一任君

醉中對紅葉

臨風杪秋樹對酒長年人  
醉貌如霜葉雖紅不是春

遣懷

義和走馭趁年光  
不許人間日月長  
遂使四時都似電  
爭教兩鬢不成霜  
榮銷枯去無非命  
壯盡衰來亦是常  
已共身心要約定  
窮通生死不驚忙

點額魚

龍門點額意何如紅尾青髻却返初見說在天行雨苦  
為龍未必勝為魚

聞龜兒詠詩

憐渠已解詠詩章搖膝支頤學二郎莫學二郎吟太苦  
纔年四十髮如霜

對酒

未濟卦中休卜命叅同契裏莫勞心無如飲此銷愁物

一餉愁消直萬金

東墻夜合樹去秋為風雨所摧今年花時悵然  
有感

碧萼紅縷今何在風雨飄將去不回惆悵去年墻下地  
今春唯有薺花開

病起

病不出門無限時今朝強出與誰期經年不上江樓醉  
勞動春風颺酒旗



夢亡友劉太白同遊彰敬寺

三千里外臥江州十五年前哭老劉  
昨夜夢中彰敬寺死生魂魄覓同遊

與果上人歿時題此訣別兼簡二林僧社

本結菩提香火社為嫌煩惱電泡身  
不須惆悵從師去先請西方作主人

贈寫真者

子騁丹青日予當醜老時無勞役神思  
更畫病容儀迢

遞麒麟閣圖功未有期區區尺素上焉用寫真為

劉十九同宿

時淮寇初破

紅旗破賊非吾事黃紙除書無我名惟共嵩陽劉處士  
圍碁賭酒到天明

十二年冬江西溫暖喜元八寄金石稜到因題  
此詩

今冬臘後不嚴凝暖霧溫風氣上勝山脚崦

於檢切中纔

有雪江流慢處亦無冰欲將何藥防春瘴只有元家金

石稜

閒意

不爭榮耀任沉淪日與時疎共道親  
北省朋僚音信斷東林長老往還頻  
病停夜食閒如社慵擁朝裘煖似春  
漸老漸諳閒氣味終身不擬作忙人

送友人上峽赴東川辟命

見說瞿塘峽斜街灩澦根難於尋鳥路  
險過上龍門羊角風頭急桃花水色渾  
山迴若鼇轉舟入似鯨吞巖台

愁天斷波跳恐地翻憐君經此去為感主人恩

夜送孟司功

潯陽白司馬夜送孟功曹江閣管絃急樓明燈火高湖  
波翻似箭霜草殺如刀且莫開征棹陰風正怒號

衰病

老辭遊冶尋花伴病別荒狂舊酒徒更恐五年三歲後  
此此談笑亦應無

題詩屏風絕句

并序

十二年冬微之猶滯通州予亦未離湓上相去萬里不見三年鬱鬱相念多以吟咏自解前後辱微之寄示之什殆數百篇雖藏篋中永以為好不若置之坐右如見所思繇是掇律句中短小麗絕凡一百首題錄合為一屏風舉目會心叅若其人在於前矣前輩作事多出偶然則安知此屏不為好事者所傳異日作九江一故事爾因題絕句聊以獎之

相憶采君詩作障自書自勘不辭勞障成定被人爭寫

從此南中紙價高

荅微之

微之于閬州西寺手題予詩予又以微之百篇題此屏上各以絕句報荅

君寫我詩盈寺壁我題君句滿屏風  
與君相遇知何處  
兩葉浮萍大海中

偶宴有懷

遇興尋文客因歡命酒徒  
春遊憶親故夜會似京都  
詩思閒仍在鄉愁醉甞無  
狂來欲起舞慙見白髭鬚

山中酬江州崔使君見寄

眷盼情無恨優容禮有餘三年為部吏一半許山居酒  
熟心相待詩來手自書庾樓春好醉明月且回車

山枇杷

深山老去惜年華况對東溪野枇杷火樹風來翻絳豔  
瓊枝日出曬

所賣切

紅紗回看桃李都無色映得芙蓉不

是花爭奈結根深石底無因移得到人家

聞李尚書拜相因以長句寄賀微之

憐君不久在通川知己新提造化權  
夔高定求才濟世

張雷應辨氣衝天那知淪落天涯日正是陶鈞海內年  
肯向泥中拋折劍不收重鑄作龍泉

歲暮

窮陰急景坐相催壯齒韶顏去不回舊病重因年老發  
新愁多是夜長來膏明自藝緣多事鴈默先烹為不才  
禍福細尋無會處不如且進手中杯

雨中赴劉十九二林之期及到寺劉已先去因  
以四韻寄之



雲中臺殿泥中路既阻同遊懶却還將謂獨愁猶對雨  
不知多興已尋山纔應行到千峰裏只校來遲半日間  
最惜杜鵑花爛漫春風吹盡不同攀

薔薇正開春酒初熟因招劉十九張大夫崔二  
十四同飲

甕頭竹葉經春熟階底薔薇入夏開似火淺深紅壓架  
如錫徐盈切氣味綠粘臺試將詩句相招去倘有風情或

可來明日早花應更好心期同醉卯時杯

李白墓

采石江邊李白墳，遠田無限草連雲。  
可憐荒壠窮泉骨，曾有驚天動地文。  
但是詩人多薄命，就中淪落不過君。  
對酒

漫把參同契，難燒伏火砂。  
有時成白首，無處問黃芽。  
幻世如泡影，浮生抵眼花。  
惟將綠醅酒，且替紫河車。

戲台諸少年

顧我長年頭似雪，饒君壯歲氣如雲。  
朱顏今日雖欺我，

白髮他時不放君

風雨夜泊

苦竹林邊蘆葦叢停舟一望思無窮  
青苔撲地連香雨白浪掀天盡日風  
忽忽百年行欲半茫茫萬事坐成空  
此生飄蕩何時定一縷鴻毛天地中

題崔使君新樓

憂人何處可銷憂  
碧甃紅欄溢水頭  
從此潯陽風月夜  
崔公樓替庾公樓

山中戲問韋侍郎

我抱反雲志君懷濟世才常吟棲招隱那得入山來

贈曇禪師

夢中作

五年不入慈恩寺今日尋師始一來欲知火宅焚燒苦  
方寸如今化作灰

寄微之

帝城行樂日紛紛天畔窮愁我與君秦女笑歌春不見  
巴猿啼哭夜長聞何處琵琶絃似語誰家畧

苦乖切

墮髻

金安四庫全書  
卷十七  
如雲人生多少歡娛事那獨千分無一分

醉吟二首

空王百法學未得姹女丹砂燒即飛事事無成身老也  
醉鄉不去欲何歸

兩鬢千莖新似雪十分一盞欲如泥酒狂又引詩魔發  
日午悲吟到日西

晚寢

轉枕重安寢回頭一欠伸紙窓明覺曉布被煖知春莫

強疎慵性須安老大身雞鳴猶獨睡不博早朝人

荅元八郎中楊十二博士

身覺浮雲無所著心同止水有何情但知瀟灑疎朝市  
不要崎嶇隱姓名盡日觀魚臨澗坐有時隨鹿上山行  
誰能拋得人間事來共騰騰過此生

湖亭與行簡宿

潯陽少有風情客招宿湖亭盡却回水檻虛涼風月好  
夜深誰共阿憐來

八月十五日夜湓亭望月

昔年八月十五夜曲江池畔杏林邊今年八月十五夜  
湓浦沙頭水館前西北望鄉何處是東南見月幾迴圓  
臨風一歎無人會今夜清光似往年

贈江客

江柳陰寒新雨地塞鴻聲急欲霜天愁君獨向沙頭宿  
水遶蘆花月滿船

殘暑招客

雲截山腰斷風驅雨脚回  
早陰江上散殘熱日中來却  
取生衣著重拈竹簟開誰能  
淘晚熱閒飲兩三杯

潯陽秋懷贈許明府

霜紅二林葉風白九江波  
暝色投煙鳥秋聲帶雨荷  
馬閒無處出門冷少人過  
鹵莽還鄉夢依稀望闕歌  
共思除醉外無計奈愁何  
試問陶家酒新篘得幾多

九日醉吟

有恨頭還白無情菊自黃  
一為州司馬三見歲重陽  
劍



匣塵埃滿籠禽日月長身從漁父笑門任崔羅張問疾  
因留客聽吟偶置觴歎時論倚伏懷舊數存亡奈老應  
無計醫愁或有方無過學王勣唯以醉為鄉

問韋山人山甫

身名身事兩蹉跎試就先生問若何從此神仙學得否  
白鬚雖有未為多

送蕭鍊師步虛詞十首卷後以二絕繼之

欲上瀛洲臨別時贈君十首步虛詞天仙若愛應相問

可道江州司馬詩

花紙瑤緘松墨字把將天上共誰開試呈王母如堪唱  
發遣雙成更取來

贈李兵馬使

身得貳師餘氣緊家藏都尉舊詩章江南別有樓船將  
燕頷虬鬚不姓楊

題遣愛寺前溪村

偃亞長松樹侵臨小石溪靜將流水對高共遠峰齊翠

蓋煙籠密花幢雪壓低與僧清影坐借鶴穩枝棲筆寫  
形難似琴偷韻易迷暑天風械止戟切械晴夜露淒淒獨

憩依為舍閒行遠作谿棟梁君莫採留著伴幽棲

廬山草堂夜雨獨宿寄牛二李七庾三十二員

外

丹霄攜手三君子白髮垂頭一病翁蘭省花時錦帳下  
廬山雨夜草菴中終身膠漆心應在半路雲泥迹不同  
惟有無生三昧觀榮枯一照兩成空

聞楊十二新拜省郎遙以詩賀

文昌新入有光輝  
紫界宮牆白粉闌  
曉日雞人傳漏箭  
春風侍女護朝衣  
雪飄歌曲高難和  
鶴拂煙霄老慣飛  
官職聲名俱入手  
近來詩客似君稀

頃曾有贈楊詩落句云不用更教詩

過好折君官職是聲名  
今故云俱入手

三月三日懷微之

良時光景長虛擲  
壯氣風情已閤銷  
忽憶同為校書日  
每年同醉是今朝

贈韋八

辭君雖久見君初  
白髮驚嗟兩有餘  
容鬢別來今至此  
心情料取合何如  
曾同曲水花亭醉  
亦共華陽竹院居  
豈料天南相見夜  
哀猿瘴霧宿匡廬

春江閒步贈張山人

江景又妍和  
牽愁發浩歌  
晴沙金屑色  
春水麴塵波  
紅

簇交枝杏青含  
卷葉荷藉莎憐  
輦

乳充切

暖憩樹愛婆娑

書信朝賢斷  
知音野老多  
相逢不閒語  
爭奈日長何

春聽琵琶兼簡長孫司戶

四絃不似琵琶聲，亂寫真珠細撼鈴。  
指底商風悲颭，

悉合

切 颭舌頭胡語，苦醒醒如言都尉思京國。  
似訴明妃厭虜庭，遷客共君相勸諫，春腸易斷不須聽。

吳宮詞

一入吳王殿，無人覩翠娥。  
樓高時見舞宮靜，夜聞歌半露曾如雪。  
斜迴臉似波，妍媸各有分，誰敢妬恩多。

送韋侍御量移金州司馬

時予官獨未出

春歡雨露同霑澤冬歎風霜獨滿衣留滯多時如我少  
遷移好處似君稀臥龍雲到湏先起蟄燕雷驚尚未飛  
莫恨東西溝水別滄溟長短擬同歸

自到潯陽生三女子因詮真理用遣妄懷

宦途本自安身拙世累由來向老多遠謫四年徒已矣  
晚生三女擬如何預愁嫁娶真成患細念因緣盡是魔  
賴學空王治苦法湏拋煩惱入頭陀

江西裴常侍以優禮見待又蒙贈詩輒叙鄙誠

用伸感謝

一從簪笏事金貂每借溫顏故折腰長覺身輕離泥滓  
忽驚手重捧瓊瑤馬因回顧雖增價桐遇知音已半焦  
他日秉鈞如見念壯心直氣未全銷

自江州司馬授忠州刺史仰荷聖澤聊書鄙誠

炎瘴拋身遠泥塗索脚難網初鱗跋

普活切

刺郎達切

籠久

翅推殘雷電頒時令陽和變歲寒移簪承舊念剖竹授  
新官鄉覺前程近心隨外事寬生還應有分西笑問長



安

除忠州寄謝崔相公

提拔出泥知力竭  
吹噓生翅見情深  
劒鋒缺折難衝斗  
桐尾燒焦豈望琴  
感舊兩行年老淚  
酬恩一寸歲寒心  
忠州好惡何須問  
烏得辭籠不擇林

初授官蒙裴常侍贈鶻街瑞草緋袍魚袋因謝  
惠貺兼紆離情

新授銅符未著緋  
因君裝束始光輝  
惠深范叔綈袍贈

榮過蘇秦佩印歸魚綴白金隨步躍鵲銜紅綬遶身飛  
明朝戀別朱門淚不敢多垂恐污衣

洪州逢熊孺登

靖安院裏辛夷下醉笑狂吟氣最麤莫問別來多少苦  
低頭看取白髭鬚

初著刺史緋荅友人見贈

故人安慰善為辭五十專城道未遲徒使花袍紅似火  
其如蓬髮白如絲且貪薄俸君應惜不稱衰容我自知

金史四庫全書  
卷十七  
銀印可憐將底用只堪歸舍嚇妻兒

又答賀客

銀章暫假為專城賀客來多懶起迎似挂緋衫衣架上  
朽株枯竹有何榮

別草堂三絕句

正聽山鳥向陽眠黃紙除書落枕前為感君恩須暫起  
爐峰不擬住多年

久眠褐被為居士忽挂緋袍作使君身出草堂心不出

廬山未要勒移文

三間茅舍向山開一帶山泉遶舍迴  
山色泉聲莫惆悵  
三年官滿却歸來

鍾陵餞送

翠幕紅筵高在雲歌鍾一曲萬家聞  
路人指點滕王閣  
看送忠州白使君

潯陽宴別

此後忠州  
路上作

鞍馬軍城外笙歌祖帳間  
乘潮發湓口帶雪別廬山  
暮

景牽行色春寒散醉顏共嗟炎瘴地盡室得生還

戲贈戶部李巡官

好語民曹李判官少貪公事且謀歡男兒未死爭能料  
莫作忠州刺史看

行次夏口先寄李大夫

連山斷處大江流紅旆逶迤鎮上游幕下翱翔秦御史  
軍前奔走漢諸侯曾陪劍履升鸞殿欲謁旌幢入鶴樓  
假着緋袍君莫笑恩深始得向忠州

重贈李大夫

早接清班登玉陛同承別詔直金鑾鳳巢閣上容身穩  
鶴鎖籠中展翅難流落多年應是命量移遠郡未成官  
慙君獨不欺憔悴猶作銀臺舊眼看

對鏡吟

閒看明鏡坐清晨多病姿容半老身誰論情性乖時事  
自想形骸非貴人三殿失恩宜放棄九宮推命合漂淪  
如今所得須甘分腰珮銀龜朱兩輪

江州赴忠州至江陵以來舟中示舍弟五十韻

昔作咸秦客常思江海行今來仍盡室此去又專城典

午猶為幸分憂固是榮

補朋切

筭

先清切  
車輜也

州乘送艤

盧侯

切  
艤徒協切

驛船迎共載皆妻子同遊即弟兄寧辭浪蹟

遠且貴賞心并雲展帆高掛颺馳棹迅征泝流從漢浦

循路轉荆衡山逐時移色江隨地改名風光近東早水

木向前清夏口煙孤起湘州雨半晴日煎紅浪沸月射

白砂明北渚寒留鴈南枝暖待鶯駢朱桃露萼點翠柳

含萌亥市魚鹽聚神林鼓笛鳴壺漿椒葉氣歌曲竹枝

聲繁纜憐沙靜垂綸愛岼平水食紅粒稻野茹紫花菁

甌汎茶如乳臺粘酒似錫

徐盈切

膾長抽錦縷藕脆削瓊

英容易來千里斯須進一程未曾勞氣力漸覺有心情

臥穩添春睡行遲帶酒醒忽愁牽世網便欲濯塵纓早

接文場戰曾爭翰苑盟掉頭稱俊逸翹足取公卿且昧

隨時義徒輸報國誠衆排恩易失偏壓勢先傾虎尾憂

危切鴻毛性命輕燭蛾誰救活蠶繭自纏縈斂手辭雙



闕回眸望兩京長沙拋賈誼漳浦臥劉楨鵲鳩鳴還歇

蟾

時占切

蜍

長魚切

破又盈年光同激箭鄉思極搖旌潦倒

親知笑衰羸舊識驚烏頭因感白魚尾為勞賴劒學將  
何用丹燒竟不成孤舟萍一葉雙鬢雪千莖老見人情  
盡閒思物理精如湯探冷熱似博鬪輸贏險路應須避  
迷塗莫共爭此心知止足何物要經營玉向泥中潔松  
經雪後貞無妨隱朝市不必謝寰瀛但在前非悟期無  
後患嬰多知非景福少語是元亨晦即全身藥明為伐

性兵昏昏隨世俗蠢蠢學黎屯鳥以能言構龜緣入夢  
烹知之一何晚猶足保餘生

題岳陽樓

岳陽城下水漫漫獨上危樓凭曲欄春岸綠時連夢澤  
夕波紅處近長安猿攀樹立啼何苦鴈點湖飛渡亦難  
此地惟堪畫圖障華堂張與貴人看

入峽次巴東

不知遠郡何時到猶喜全家此去同萬里王程三峽外

百年生計一舟中  
巫山暮足霑花雨  
隴水春多逆浪風  
兩片紅旌數聲鼓  
使君艤艫上巴東

十年三月三十日別微之於澧上十四年三月  
十一日夜遇微之於峽中停舟夷陵三宿而  
別言不盡者以詩終之因賦七言十七韻以  
贈且欲記所遇之地與相見之時為他年會  
話張本也

澧水店頭春盡日  
送君上馬謫通川  
夷陵峽口明月夜

此處逢君是偶然一別五年方見面相携三宿未迴船

坐從日暮惟長歎語到天明竟未眠齒髮蹉跎將五十

關河迢遞過三千生涯共寄滄江上鄉國俱拋白日邊

往事渺茫都似夢舊遊零落半歸泉醉悲灑淚春盃裏

吟苦支頤曉燭前莫問龍鍾惡官職且聽清脆好詩篇

微之別來有新詩  
數百篇麗絕可愛

別來只是成詩癖老去何曾更酒顛

各限王程湏去住重開離宴貴留連黃牛渡北移征棹

白狗崖東卷別筵

黃牛白狗皆峽中地名  
即與微之遇別之所也

神女臺雲間

繚繞使君灘水急潺湲風淒暝色愁楊柳月弔宵聲哭  
杜鵑萬丈赤幢潭底日一條白練峽中天君還秦地辭  
炎微我向忠州入瘴煙未死會應相見在又知何地復  
何年

題峽中石上

巫女廟花紅似粉昭君村柳翠於眉誠知老去風情少  
見此爭無一句詩

白氏長慶集卷十七

謹案卷十六第三頁後四行路經襄鄂二州界刊

本鄂訛郡據全唐詩注改

第二十頁前四行嵐隱山厨火燭幽刊本燭訛獨

據全唐詩改

第十七第三頁後八行濺水躍紅鱗刊本鱗訛麟

據全唐詩改

第十七頁後二行懷舊數存亡刊本亡訛仁據全

唐詩改

第二十七頁後二行君還秦地辭災徼刊本辭訛

亂據全唐詩改





總校官庶吉士臣張能照

校對官編修臣沈清藻

校對官庶吉士臣何思鈞

騰錄監生臣劉震

騰錄監生臣袁文宿